

Bosnia and Herzegovina
FEDERATION OF BOSNIA AND HERZEGOVINA
MINISTRY OF LABOUR AND SOCIAL POLICY OF THE
FEDERATION OF BOSNIA AND HERZEGOVINA

Broj:01- 02/2-2688/24 SK/EZ
Sarajevo, 08.11.2024. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gđin Dragan Mioković, predsjedavajući
n/r gđa Marijana Hrvic-Šikuljak, zastupnica

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

| Primljeno: 11-11-2024 | | | |
|-----------------------|------|---------|------------|
| Org. jed. | Broj | Priloga | Vrijednost |
| 05/1 | -02- | 529 | 124 |

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

PREDMET: Zastupničko pitanje za uspostavljanje inspekcije za socijalnu i dječiju zaštitu u Federaciji BiH, odgovor, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-529/24 od 22.10.2024. godine i akt sekretara Vlade Federacije Bosne i Hercegovine, broj:03-04-1736-22/24 od 28.10.2024. godine

Poštovani,

Aktima broj i datum veze, ovom Ministarstvu dostavljeno je Zastupničko pitanje koje je, na 14. redovnoj sjednici Predstavničkog doma Parlamenta Federacije Bosne i Hercegovine, održanoj 22.10.2024. godine, postavila zastupnica Mirjana Hrvic-Šikuljak. Zastupničko pitanje glasi: „Kada će biti uspostavljena inspekcija za socijalnu i dječiju zaštitu kroz izmjene i dopune Zakona o inspekcijama Federacije BiH i zašto se Federalno Ministarstvo pravde još nije očitovalo na Nacrt Zakona i kada će biti na dnevnom redu Predstavničkog doma Parlamenta Federacije BiH za što postoji hitna potreba?“.

U vezi dostavljenog pitanja obavještavamo Vas da je Zaključkom Vlade Federacije Bosne i Hercegovine V. broj: 1293/2023 od 21.09.2023. godine, Vlada Federacije Bosne i Hercegovine prihvatila inicijativu ovog Ministarstva za izmjenu i dopunu Zakona o inspekcijama Federacije Bosne i Hercegovine („Službene novine Federacije BiH“, broj: 73/14), a radi formiranja federalne inspekcije za oblast socijalne i dječije zaštite, koja je bila obrazložena istim razlozima koji su navedeni i u ovim poslaničkim i delegatskim inicijativama.

Na osnovu navedenog Zaključka, ministar Federalnog ministarstva pravde je, Rješenjem broj: 01-45-3938/23 od 22.11.2023. godine, imenovao Interresornu radnu grupu za izradu Nacrta zakona o izmjeni i dopuni Zakona o inspekcijama Federacije

Bosne i Hercegovine koja je pripremila Zakon o izmjenama i dopunama Zakona o inspekcijama Federacije Bosne i Hercegovine na način da se u članu 24. stav (1) iza tačke 40) dodaje tačka 41) inspektor za socijalnu i dječiju zaštitu i porodično-pravnu zaštitu.

Aktom broj: 01-45-3938/23-5 od 15.01.2024. godine Interresorna radna grupa je dostavila ministru Federalnog ministarstva pravde pripremljeni Nacrt zakona o izmjeni i dopuni Zakona o inspekcijama Federacije Bosne i Hercegovine zajedno sa Izvještajem o radu navedene radne grupe, a radi upućivanja navedenog Nacrta u dalju proceduru usvajanja. Ovo Ministarstvo nema daljih informacija vezanih za pripremljeni Nacrt odnosno nema daljih informacija zašto se pripremljeni Nacrt zakona nije uputio u proceduru razmatranja i usvajanja.

Uspostavljanje inspektorata za socijalnu i dječiju zaštitu u Federaciji BiH ovo Ministarstvo vidi kao ključ za osiguranje i očuvanje kvaliteta usluga i sigurnosti u sistemu socijalne zaštite. Naime, ovaj inspektorat omogućio bi efikasan nadzor, zaštitu prava ranjivih korisnika, brzo rješavanje nepravilnosti, te jačanje profesionalnosti radnika u sektoru. Držimo da bi se na taj način popravilo narušeno povjerenje građana u sistem socijalne zaštite, te osigurao dostojanstven tretman za sve korisnike.

Poznato Vam je naše nastojanje da se ovaj inspektorat uspostavi i mi očekujemo da će se to uskoro i dogoditi, što će, sigurni smo, biti važan korak u unaprjeđenju sistema socijalne zaštite i osiguranju bolje i kvalitetnije zaštite kako za djecu, tako i za sve druge korisnike u ovoj oblasti.

S poštovanjem,



Dostavljeno:

- naslovu
- a/a